

疆

邨

語

業

彊邨語業序

語業二卷彊邨先生晚年所定也曩者半塘翁固嘗目先生詞似夢窗夫詞家之有夢窗亦猶詩家之有玉溪玉溪以瑰邁高材崎嶇於鉤黨門戶所爲篇什幽憶怨斷世或小之爲閨襜之言顧其他詩如何匡國分不與素心期又曰夕陽無限好祇是近黃昏豈與夫豐豔曼睞競麗者竊以爲感物之情古今不易笈讀之者弗之知爾先生早侍承明壯躋懋列庚子先撥之始折檻一疏直聲震天下

既不得當一抒之於詞解佩纓以結言欲自
適而不可靈均懷服之思昊天不平我王不
甯嘉父笏誦之愜其哀感頑豔子夜吳趨其
芬芳悱惻哀蟬落葉玉溪官不挂朝籍先生
顯矣觸緒造端湛冥過之信乎所憂者廣發
乎一人之本身抑聲之所被者有藉之者耶
復堂老人評水雲詞曰咸同兵事天挺此才
爲聲家老杜余亦謂當

崇陵末葉廟堂厝薪卒黃水火天生先生將
使之爲曲中玉溪耶迨至王風委草小雅寢

聲江濱飛遯臥龍無首長圖大念隱心已矣
僅留此未斷樵風與神皋寒吹響禽終古嚮
之瘡口噤音沈泣飲章腐心白馬者且隨艱
難天步以俱去玉溪未遭之境先生親遭之
矣我樂也其無知乎我寐也其無咍乎是又
諷先生詞者微吟焉低徊獨抱焉而不能自
已也甲子嘉平月遯堪居士張爾田引

彊邨語業目錄

卷一

強園作噩

長亭怨慢

鷓鴣天

暗香

著雍閏茂

祝英臺近

水龍吟

解連環

鷓鴣天

屠維大淵獻

齊天樂

烏夜啼

夢芙蓉

繞佛閣

上章困敦

鶯啼序

菩薩蠻

入調

蹋莎行

河瀆神

臨江仙

遐方怨

琴調相思引

玉樓春

三調

鬪雞回

唐多令

燕山亭

綺寮怨

醜奴兒慢

齊天樂

瑞鶴仙

鷓鴣天

高陽臺

重光赤奮若

石州慢

喜遷鶯

燭影搖紅

倦尋芳

阮郎歸

塞翁吟

蕙蘭芳引

眼兒媚

齊天樂

聲聲慢

花犯

千秋攝提格

虞美人

花心動

木蘭花慢

倦尋芳

霜葉飛

二調

虞美人

二調

定風波

解連環

夢玉人引

宴清都

昭陽單闕

阮郎歸

玲瓏四犯

燭影搖紅

摸魚子

浣溪沙

二調

訴衷情

二調

解連環

唐多令

齊天樂

金縷曲

二調

夜游宮

喜遷鶯

目錄

四

關逢執徐

六醜

浣溪沙

齊天樂

減字木蘭花

八調

謁金門

二調

清波引

摸魚子

天香

木蘭花慢

二調

夜飛鵲

喜遷鶯

六幺令

祝英臺近

柳蒙大荒落

南鄉子

燭影搖紅

虞美人

琵琶仙

徵招

目錄
月華清

秋霽

西平樂

清平樂

卷二

柔兆敦牂

木蘭花慢

慶春宮

烏夜啼

柳梢青

燭影搖紅

齊天樂

西子妝

二調

三姝媚

齊天樂

雅器協治

渡江雲

掃花游

八聲甘州

玉連環

滿路花

二調

卜算子

漁家傲

二調

木蘭花慢

洞仙歌

驀山溪

惜紅衣

三調

荔支香近

著雍涪灘

點絳脣

六醜

淡黃柳

霜花腴

二調

瑞龍吟

二調

八聲甘州

驀山溪

秋宵吟

小重山

龍山會

月下笛

安公子

屠維作噩

玉燭新

華胥引

夢芙蓉

高山流水

采桑子

臨江仙

雪梅香

上章閣茂

彩雲歸

雨霖鈴

西河

南鄉子

金縷曲

重光大淵獻

蹋莎行

三姝媚

點絳脣

陽春曲

雪梅香

祭天神

浪淘沙慢

多默困敦

金縷曲

國香慢

虞美人

昭陽赤奮若

綺寮怨

曲玉管

闕逢攝提格

洞仙歌

弼蒙單闕

水龍吟

六幺令

高陽臺

夜飛鵲

霜花腴

柔兆執徐

醉翁操

千秋歲

強國大荒落

戚氏

新鴈過妝樓

洞仙歌

著雍敦牂

摸魚子

好事近

紫萸香慢

屠維協洽

臨江仙

六幺令

洞仙歌

上章浔灘

丹鳳吟

重光作顰

金縷曲

予默閣茂

虞美人

摸魚子

鷓鴣天

水龍吟

昭陽大淵獻

鷓鴣天

惜黃花慢

卷三

閨逢困敦

薄倖

浣溪沙

二調

清平樂

高陽臺

臨江仙

柳蒙赤奮若

燭影搖紅

小重山

鷓鴣天

八調

望江南

二十六調

小重山

齊天樂

高陽臺

柔兆攝提格

一叢花

定風波

鷓鴣天

強國單闕

隔浦蓮近

瑞鶴仙

著雍執徐

六醜

丹鳳吟

宴山亭

好事近

層維大荒落

隔溪梅令

花犯

過秦樓

上章敦牂

木蘭花慢

南鄉子

菩薩蠻

齊天樂

二調

芳草渡

石湖仙

倦尋芳

東坡引

重光協洽

浣溪沙

瑞鶴仙

三姝媚

漢宮春

渡江雲

風入松

應天長

鷓鴣天

彊邨語業卷一

歸安朱孝臧古微

長亭怨慢葦灣重到紅香頓稀和半塘

老人

盡消盡涉江情緒風露年年國西門路紺海
涼雲昨宵飛浣石亭暑亂蟬高柳淒咽斷蘋
洲譜莫唱惜紅衣算一例飄零如雨遲暮
隔微波不恨恨別舊家鷗侶青墩夢斷枉羸
得去留無據試巡徧往日闌干總無著鴛鴦
眠處賸翠蓋亭亭消受斜陽如許

鷓鴣天

夢裏雲屏度幾重
蘭期猶煥舊懽叢
鐙飄繡扇花如睡
歌咽金船酒不醲
春寂寂恨恁
恩鳳城涼信又歸鴻
緘情欲託天邊月
知道高樓雨是風

暗香秋宵倚闌月華如水記去年留滯
江上蓮史餞我於託鵲水榭正此
日也傷離念遠不能無言

素天煙邈點去鴻兩兩碧雲樓角夢約不來
一翦微波渺難託傷別傷秋未算還點鬢新

霜經著漸逗入隔歲相思花底歇深酌誰
覺背虛幕正不耐夜吟玉繩低絡五湖計錯
鄉國蓂花漸非昨何況空江畫槳悽盪損蕭
孌眉萼待寄語江上水月華又落

祝英臺近

燭花涼鑪穗重妝面半簾記羅扇恩疏消得
錦機字絕憐寬褪春衫窄偎秋被楚雲重夢
扶不起酒邊事因甚一夕離悰潘鬢竟星
矣相憶無憑相憐又無計願將心化圓冰層
層摺摺照伊到畫屏山底

水龍吟四印齋賦白芍藥分得肯字

寶闌春去多時玉奴猶倚東風困濃姿淚洗
伶俜不許雨酥煙暈素靨消塵冰綃委佩強
支嬌俊自謝郎去後銀毫蘸淺瑤臺路無人
問相謔前裙未肯伴醪醕殿將芳訊西園
後日薦紅無數漸吹成粉何況飛瓊將離歌
罷素鸞無信向月明空見一枝凝露惱新霜
鬢

解連環七月十四日坐雨有作

雨涼無極傍西池漸浥畫屏猩色悵倦旅呼

酒闌千數不斷唳鴻遠天如墨亂葉流紅驀
驚散鴛鴦蹤迹對飄煙暗燭罨畫古簾悄然
鄉國綠窗已拚怨抑又天涯樹樹哀響攙
入便有約重夢香叢怕前地漂花總凝愁碧
打盡枯荷幾曾減秋塘波力但贏得鏡棱淚
點斷雲共滴

鷓鴣天九日豐宜門外過裴邨別業

野水斜橋又一時愁心空訴故鷗知淒迷南
郭垂鞭過清苦西峰側帽窺新雪涕舊絳
詩恹恹門館蝶來稀紅萸白菊渾無恙只是

風前有所思

齊天樂 馬神廟海棠百年物也花時寥

寂半塘翁吟憶見貽依韻報之

錦窠春溼紅雲透
恩恩故宮芳事冷
顰延嬌
溫泉罷浴催換東風
人世嬋媛夢裏尙刻意
新妝洗煙梳霽妒極
瑤臺玉妃無語正愁悴
綠章惆悵再乞夜深障
灑蠟心緒無會怨
鳳簫寒
殘蟾幄暗消盡
燕脂濃淚橫
陳豔綺
肯輸與西廊
媚春桃李不嫁含章墮梅餘恨

藥

烏夜啼同瞻園登戒壇千佛閣

春雲深宿虛壇磬初殘步繞松陰雙引出朱
闌吹不斷黃一線是桑乾又是夕陽無語
下蒼山

夢芙蓉羅睺嶺爲趨戒壇潭柘分道處
茗憩書壁用夢窗韻

溪霞明斷綺帶東風客鴈筍將十里鏡空春
路心緒淡蛾外汎莢謀野醉年年催載秋被
盼客山靈惜愁鬟未整鶯語亂呼起轉首
瑤臺眼底疑有雙成結束連環佩舊塵如夢

還付亂雲洗駐鞍消茗翠斜陽冷透峰意未
怯春寒知游仙路近微步響風水

繞佛閣崇效寺楸花最盛往年徐芷帆

養吾兄弟花時輒宴賞其下子
季彥偶閒亦一至養吾下世晦
已五年彥偶墓亦宿草矣芷帆
作楸陰感舊圖徵題屬筆泫然
不止黃壚之悲也

紺煙斂霽香外梵歇頽照蕭寺珠露飄藥慣
催俊侶年年貰春醉畫闌再倚誰料素約

和恨難理殘酌沾地夜深定有秋魂暗驚起
蠹壁字零落細數詞流空百輩何況故人
傷高當日淚總冷透西風鄰笛淒異斷鴻知
未有一樣西堂孤坐無睡繞花陰夢痕如水
驚啼序龍樹寺餞別高理臣府丞張次

珊參議用夢窗豐樂樓韻

輕陰傍樓易暝帶春雲步綺畫闌繞凍柳初
萋暗結沈恨天際細禽喚午光冉冉荒波盪
晚疑無霽帶離人腸斷斜陽絮點飄墜十
載東華對酒念往信孤根自倚鏡中路窺熟

西池楚吟流怨紅翠賦深情蘭荃繡筆淚花
迸銅仙鉛水慣傷春蝶悄鶯沈夢醒何世
劉郎老去咫尺蓬山倦數舊游美天外緊東
風一信絳藥顛倒縹緲鵑聲誤人歸事銀河
夜挽珠宮晨叩香牋飛出迴鸞篆悄冥冥海
闊星垂地情絲怨極長宵霧閣雲窗頓拋亂
紅縈緯橫汾舊曲采石新吟料畫輪正遲
怕點檢鑪薰花外笛譜梅邊酒醒觚稜鳳城
十二東門帳飲西臺車馬江湖頭白回望處
惜芳菲須掩傷高袂白鷗去矣難馴燕幕孤

棲蕩魂萬里

菩薩蠻

西洲風緊驕禽唳
文梁乳燕棲無地
相望鬱金堂
氤氲心字香
芳牕山黛蹙
自轉商絃
軸郎意未分明
綠窗閒夢驚

鯉魚風蹴波
鱗起黃姑夜
叩星宮
事含笑
斂冰梭
微霜新過河
鈿箏長短柱
掩抑聲無

主夢裏擲青梅
苑花交扇開

花翻寶勒新豐騎
沈沈芳晝金鋪閉
山枕膩紅消
當筵鸞帕拋
錦機無氣力
密緒雙雙

織心事篆煙灰春羅書字來

朱萸錦束胡衫窄乘肩倦態偎花立迴扇喚
風來春窗朱鳥開壓愁麟帶重多謝行雲
送虬箭水聲微飄鏜人不歸

蜂衙蝶館參差對行軒四角流蘇綴一霎謝
橋風蠻花委地紅玉璫緘翠札曲折何緣
達商略解連環人前出手難

弱楊睥睨秦衛老馱金走馬長楸道寶帶鸛
鵲裘東方居上頭背丸珠錯落脫手翻阿
鵲際海發紅桑箴心花箭香

闌紅滿鏡衝單舸疊瀾不定銖衣鞞新語約
餐霞恨無書報他留仙裙襴薄傾蓋鴛鴦
覺錦字太無憑閒愁攜手生

昨宵解帶翻成結侵晨翠幌當風怯莫近水
西闌迴身羅裏單琴心相爾汝夢斷秦臺
侶賤管發秋慵鏡心閒淚紅

賜莎行

照水單衫飄香小扇晚涼愁倚闌干徧冷鷗
三兩不歸來鏡心一夕紅衣變經醉湖山
傷高心眼秋來畫取蕪城怨謝堂倦客總魂

消無人淚溼西飛燕

河瀆神

燭樹蠟煙微花袍白馬來時天吳移海綠塵
飛日夕靈風滿旗溼霧冥冥斑竹院野鴉
如陣迴旋帝子不歸秋晚單衾沈夢銅輦

臨江仙

花底相思無處說香殘燭燼依依春寒分付
與單棲比愁量錦瑟和恨卷羅衣誰信謝
娘香閣畔天涯錦字淒迷柳花風起亂鶯啼
莫將孤枕淚尋夢月西時

遐方怨

消粉蠹減香筒屈膝銅鋪爲君提攜團扇風
泣香殘露井邊桐一秋辭輦意裏羅紅

琴調相思引

吹夢東風嬾似雲占人懷抱是歌顰鴈行低
盡零亂一箏塵獨自意行僵寶瑟兩邊閒
淚閣羅巾小簾朱戶依舊去年人

玉樓春

分和小山韻同半塘伯崇

目成已是斜陽暮誰分合懽花下住心知明
月有圓時身似斷雲無定路當時不合多

情遇風卷紅英隨水去莫敲單枕故相尋夢
裏已無攜手處

鶻聲鴉軋吳音似不寄吳娘機上字只憑樓
下去來潮將取尊前新舊淚浴蘭攜手年
年事消盡笙歌沈醉意花時不是不傷春說
與春愁真解未

少年不作消春計孤負酒旗歌板地好天良
夜杜鵑啼今日逢春須著意斜陽煙柳迴
腸事小雨闌花干點淚等閒尋到眼前來欲
避春愁除是醉

鬪雞回

驚飆吹幕推枕瓊瑰滿玉鏡窺雙蛾淺諱說
相思帶羅寬一半江郎恨極天涯重見怕
逢春晚尺素書香羅薦解得連環半牀紵索
亂

唐多令 衰草和穗平

掃斷馬蹄痕消凝油壁塵翦紅心霜訊催頻
一道玉鉤斜畔路已無意鬪羅裙濃綠鎮
迷人蘭若淒古春換年年冷戍荒屯淚喚西
風原上火怕猶有未招魂

燕山亭寄題鄭叔問薊門秋柳圖

消盡參參斜照淡黃一夜驚鴉無數移恨漢
南舊日闌干只有亂塵隨步眠起無端便忘
了龍池煙雨何苦又按徹伊涼換他金縷
身世愁寄孤根是禁慣清霜伴人羈旅西風
笛裏滿眼關山絲絲繫春不住自怯宮腰幾
曾爲倚簾人妒歸去還夢繞一天風絮

綺寮怨爲半塘翁題春明感舊圖

笛裏呼杯人盡凍醪和淚凝對冷月臥仰空
梁楓林黑斷夢無憑年時黃壚聚別傷高眼

倦客相向青怪瘴花悴折朱紵恩恩去夜壑
尋墜盟最是故人茂陵摩挲翠墨情懷似
醉還醒細說飄零有哀鴈兩三聲天邊喚回
遼鶴教認取舊春城詩魂定驚花陰甚處是
塵暗生

醜奴兒慢 龍樹寺西樓對雪

低鴉數羽飛破溼煙零亂暗愁引年涯消與
凝白闌干瘦倚筇枝夢華城闕有無閒瓊樓
陰重玉如倦舞還戀清寒不見灞橋酥融
流水玉照歸鞍廢林表黃昏山色怨入秦鬟

笛裏天涯縞衣將夢莫輕還琅玕斜處梅塵
未洗難理孤懽

齊天樂鴉

半天寒色黃昏後平林漸添愁點倦影偎煙
酸聲噤月城北城南塵滿長安歲晏又啼入
延秋故家啄徧問幾斜陽玉顏悽訴舊團扇
南飛虛談越鳥亂烽明似炬空外驚散壞
陣秋盤虛舟暝闕何處衰楊堪戀江關夢短
怕頭白年年舊巢輕換獨鶴歸無後樓休恨
晚

瑞鶴仙得梅生長安書卻寄

滿春衫淚汗西鴈到客枕離魂輕度城南舊
韋杜料天涯一樣看花如霧秦箏漫譜怕酒
邊塵琬玉柱問麻揆萬里孤拜杜鵑誰識臣
甫月色今宵換盡解憶長安兩家兒女殘
年倦旅菰蘆約渺何許上高樓莫望江南春
好斜陽時候最苦縱青山無恙誰管斷雲去
住

鷓鴣天庚子歲除

似水清尊照鬢華尊前人易老天涯酒腸亡

角森如戟吟筆冰霜慘不花
拋枕坐卷書嗟莫嫌啼煞後
樓鴉燭花紅換人閒世山色
青回夢裏家

高陽臺除夕和韻

紅冷粃盆墨枯彩帖年涯消盡誰催一寸春
心等閒都著寒灰今宵纔信東風嬾負冷吟
殘醉情懷問關山笛裏梅花幾度吹開聲
聲不分鄰家鼓把朦朧臺榭殘夢驚回馬影
雞聲天邊消息還猜虛堂冰雪凌兢甚怕過
時春不歸來最無聊照取吳霜焚尾深杯

石州慢用東山韻

一枕春醒相伴畫堂綺緒天闌江南信息沈
沈水驛芳梅誰折荒闌恨久未信笛裏關山
玉龍猶噤黃昏雪空外暮笳聲送飄鐙時節
歌發闌紅香榭歸鶴春城頓忘離別留戀
斜陽只有鴈聲淒絕不知臨鏡盡出幾許宮
眉新妝消與愁千結擁髻已無言又窺人黃
月

喜遷鶯用梅溪韻

玉嶺寒滴照落梅簾戶淺春猶隔惻惻生衣

迢迢促漏人定水沈煙直做成情味苦長忍
俊鏡奩顏色倦吟罷伴西樓墜月今夜愁客
懽迹忍淚憶幾許舊家點檢閒簫笛鳳屨
輕塵鸞釵密緒吟入怨紅悽碧也思尋夢去
花外路何曾經歷睡未著又一襟亂愁無隙

燭影搖紅上巳同半塘南禪登江亭

殘墨山容爲誰青到鉤簾處荻芽平岸乳禽
喧依舊蒨蘭路消送流光過羽冷禪天叢鈴
碎杵芳游何在清角無端吹愁如許春盡
天涯茂園心醉思歸賦好天良夜舊東風誰

信啼鵲苦欲采
翫花寄與綠窗深
心期又誤
危闌休倚亂掩斜陽浮雲無數

倦尋芳

陳止齋和張端士夏日詩序云

屈原賈誼陶淵明文辭皆喜道
孟夏而悲樂不同雖所遭之時
異要亦懷抱使然耳今年立夏
後沈陰閣雨淒然如秋天時人
事其悲樂似有適相應者拈此
以記惜無由起止齋而質之

賸寒著夢空綠生煙鶯燕驚晚似客東風花

外暮笳吹散落日鵲聲流水急連天芳草王
孫怨黯河橋正垂楊恨結倚簾人遠甚餽
飢陰晴天氣一線山眉相對淒展凭徧迴闌
未稱畫羅輕扇經亂池臺歌舞歇沾愁櫻筍
時光賤鎮無聊又黃昏雨絲飄斷

阮郎歸

夜窗書眼怯開帷
燈花收燭時
五更寒月不相隨
上廊林影遲
青史事碧山樓
蹉跎雙鬢絲
十年心事入
搗頤鴈聲將夢飛

塞翁吟
葦灣汎秋晚
蓮向盡以美成
翌

體寫之

亂笛迴塘路催換野色瓏璚故情斷墜衣紅
宛急雨闌東客懷未耐秋搖兀慵對豔錦屏
空暗裏憶舊珍叢負一舸恩恩花宮星期
近南飛倦翼憔悴與津梁夢中料今夜西池
露下盼不到太乙仙槎怨入高鴻鴛鴦最苦
睡穩荒波猶夢薰風

蕙蘭芳引

飄簾水花淺涼浸紺紗新覺墮一點風螢知
是扇羅倦撲漏長夢短去路阻屏山天角想

怨吟難就背燭玉繩西落 暗笛誰家飛聲
三四水調參錯算料理風情深淺淚都無著
題紅詞費桂宮隱約清夜闌誰熨小眉愁
眼兒媚

雨聲迴潤故衣篝得酒病懷休舞紅消盡西
風還送葉葉心頭 行雲不受秋拘管將夢
上空樓夜涼雙鴈分明說與天路閒愁

齊天樂 獨游龍樹寺有懷半塘次珊

高林葉葉無留意長安頓驚秋少淚掩疏襟
愁呼斷角新結傷高懷抱歸艤路渺對搖落

滄洲夢痕干繞立盡斜陽故人不共鴈程到
清游經亂更減舊時欵壁句空委煙草故
國驂鸞飛仙擁鶴消息微聞江表離心悄悄
付一笛黃昏水風殘調寄語南雲茂陵人漸
老

聲聲慢 辛丑十一月十九日味聃賦落

葉詞見示感和

鳴蜩頽城吹蝶空枝飄蓬人意相憐一片離
魂斜陽搖夢成煙香溝舊題紅處拚禁花憔
悴年年寒信急又神宮淒奏分付哀蟬終

古巢鸞無分正飛霜金井拋斷纏絲起舞迴
風纔知恩怨無端天陰洞庭波闊夜沈沈流
恨湘絳搖落事向空山休問杜鵑

花犯 辛丑除夜

影屏山鐙脣碎語春痕似依舊夜堂無酒憐
燕綵誰簪蜜苣孤守睡輕厭數殘更漏欺人
年事駮賸淺靨緗梅三兩飄香黏半裊簾
蘖外邊峭寒多頭番問閨苑東風醒否芳訊
換還惆悵綴旛人瘦簫聲送背鄰笑語容易
到林鴉驚散候料鏡檻飛鸞塵盪新妝愁裏

鬪

虞美人

水堂煙月消眉萼夢斷瓊枝約低顰深坐未
應知何事粉香和淚溼羅衣 眞空箏語西
樓起吹絮簾重倚看人花底酌清歌不信一
春夢雨比愁多

花心動花朝

若箇花枝稱東君年年盡情妝點舞趁繡幡
歌節金鈴不是等閒鶯燕隔牆還結鞦韆社
卻拋撇濃春一半謝橋外東風冷透探芳心

眼似水流年未縮空萬縷千條絲楊搓怨
一樣水西挑菜光陰只是鳳華人遠扇執撲
蝶分明約思量後收慵歌嬾閉門又闌干亂
紅沍徧

木蘭花慢送陳伯弢之官江左

聽枯桐斷語識君恨十年遲正濺淚花繁迷
歸燕老春去多時相攜夢華故地怪單衣無
路避塵緇錦瑟看承暫醉白頭吟望低垂
差差津館柳成絲離緒費禁持問何計消磨
夕陽宦味逝水心期鳴夷舊狂漫理已沈陰

江表杜鵑啼莫上吳臺北望斜煙亂水淒迷
俗尋芳

鏡塵掩瘦簾月通愁人病孤館伴客殘春禁
受藥煙飄斷舊著香羅經酒殢新調繁軫當
歌嬾暫朦朧有銅街咫尺鈿車雷轉便僥
倖城烏啼散更箭沈沈窗曙猶淺未必成眠
慵極半衾生戀鴈過時飄聞笛淚花開翻惱
登樓眼楚雲濃料輸他鰕錢庭院

霜葉飛秋晚奉使嶺南晦鳴惲生集中

聖齋用夢窗韻聯句錄別越日

待舟唐沽感音寄和

亂雲愁緒孤帆外
隨風飄著燕樹倦程先鴈
下滄洲寒帶丁沽雨甚一霎
颿輪過羽微塵
驚見紅桑古怕更倚危樓
海氣近黃昏換盡
酒邊情素何況北極觚棱
東門帳飲怨歌
今夜難賦筩書
猿鳥意蒼茫空覓荒雞語
夢不入尊絲半縷
商量聽水聽風去
賸恨箇飛聲罷寂寞魚龍
覩人眠處

前調滬上喜遇半塘翁作

過江人暮經年事
鐙牀重話秋雨北風驅鴈

暫成行飛泊寒筇柱伴獨客零宮斷羽天涯
惟有啼鵲苦漫浪說浮家冷夢落滄波幾隊
白鷗同住長記墮策吹塵浮雲蔽眼上東
門外歧路賸烽驚斷後歸魂嗚咽銅駝語笑
一夕枯槎倦渡腥塵還傍蠻江去要故人登
臨倦自結春帆素馨開處

虞美人 擬小山

朝朝愁黛羞鸞鏡腸斷安排定玉梅傳瑱別
筵開卻道未須花謝便歸來炎洲路在屏
風上酒醒鳴雙槩淚花不惜灑紅牋知道黏

天波浪寄書難

瑤臺不恨驚鴻遠一樣秋蓬轉蠟花陪淚照
匡牀喚起盈盈猶是睡時妝牽衣怕領年
時味推酒成迴避閒情斷作水東流明日曲
房春老燕歸愁

定風波

點鏡春姿起翠禽經年喚醒五湖心照眼嬌
梅臨水放惆悵疏香不上小紅簪別去雲
軒千種憶無益狂來蠻榼百分斟江上北書
無鴈託休說海南千里瘴花深

解連環賦餅中落梅

碎釧香迹引啼煙翠羽細窺簾隙黯帳紙殘
墨膏騰又攪弄麝塵半消宮額拚忍清寒有
妝鏡愁鸞偎泣恨新歌散雪舊譜暗香斷紅
無覓瑤臺夢中誤擲倩仙雲評泊笑靨羞
索待料理紺玉寒泉總浸作愁漪換春無力
未返芳魂料不怨高樓橫笛伴黃昏背燈瘦
影翠尊酌得

夢玉人引

誤驚鴻夢滄江上未歸客斜月空艸慵對冷

楓拈筆潮落潮生盪旅情半付沙頭風笛眼
底凌波比行雲難覓錦屏羅扇到如今零
亂舊懽迹鏡語星星小蛾經歲愁寂封與相
思紅鱗寒無力料獨坐背繁霜不信鐙花今
夕

宴清都壬寅小除夕陽山舟中

餞臘蠻邨鼓聲聲急鴈邊低和鳴榔瓊簫市
遠膏鑪燭薄好春何許橫溪數萼嬌紅點綴
入迎年秀語任向夕雪意垂垂韓山冷落眉
嫵銀荷翠管西船歌呼簋博渾忘羈旅塗

淺燥墨沾杯淡酒自溫眠緒荒雞定憐沈夢
是一夜鄉心幾處喚緒風帆色新年春程未
誤

阮郎歸

月夜維舟楞伽峽山水幽篁孟
東野石龍渦詩序云四壁千仞
散泉如雨仿佛遇之

千菓無蒂著巖坳飛簾噴雪消溼雲雙束怒
厓高春湍不敢豪煙艤閣水鐙飄幽猿三
兩號驂鸞仙路夜誰招月華搖鳳簫

玲瓏四犯

未減吳絳怪睡覺西園芳訊催晚一衷鑪薰
長閣暗愁成片天外似墨沈陰意緒冷社前
歸燕問鏡梭多少鉛淚不洩謝橋塵點翠
禽啼暝山屏半報春殘絮花當面紅樓繡箔
飄鐙夜猶道東風淺料理病骨夢中漸不是
年時羅薦待訴情無奈新聲迴盡參差金鴈
燭影搖紅晚春過黃公度人境廬話舊
春暝鉤簾柳條西北輕雲蔽博勞千轉不成
晴煙約游絲墜狼藉繁櫻剗地傍樓陰東風
又起千紅沈損鶉鴂聲中殘陽誰繫容易

消凝楚蘭多少傷心事等閒尋到酒邊來滴
滴滄洲淚裏手危闌獨倚翠蓬翻冥冥海氣
魚龍風惡半折芳馨愁心難寄

摸魚子梅州送春時得輦下故人三月

幾望書

近黃昏悄無風雨蠻春安穩歸了恩恩染柳
熏桃過羸得錦牋悽調休重惱問百五韶光
醞造愁多少新顰舊笑有拆繡池臺迷林鶯
燕裝綴半殘橐流波語飄送紅英最好西
園沈恨先掃天涯別有憑闌意除是杜鵑能

道歸太早何不待倚簾人其東風老消凝滿
抱僊秉燭呼尊綠成陰矣誰與玉山倒

浣溪沙

獨鳥衝波去意閒
壞霞如赭水如牋
爲誰無盡寫江天
並舫風紆彈月上
當窗山髻挽雲還
獨經行地未荒寒

翠阜紅厓夾岸迎
阻風滋味暫時生
水窗官燭淚縱橫
禪悅新耽如有會
酒悲突起總無名
長川孤月向誰明

訴衷情 癸卯七夕和夢窗

鸞軒秋訊有無閒
樺燭掩屏山
琤然露井梧
韻驚夢絳河還
無別語擁眠鬟
淚闌干蘭
叢風起未抵鍼樓羅薦新寒

前調又和

網絲飄斷水沈煙
銀鵬穩雙眠
侵衣露點如
雨坐看月流天
茗岸路棹觥船
是何年倚
樓心事清絕羅衣原耐秋寒

解連環秋感和夢窗

緒牽愁結被蠻薰
沁骨素天無極
傍露井葉
葉疏桐信經過
暮涼畫秋眞色
罷酒闌干鴈

書斷浮雲東北望三山鑿翠尺海漲塵有情
難憶登臨故懼盡擲覲新霜鏡裏烏笑頭
白待叩君密約鸞釵怕著枕睡酣暗消瑤碧
夢入關榆但流恨沈沈寒汐背西風怨蛩細
語伴人絮得

唐多令

廊蔭轉疏槐圓蟾明上階倚空尊涼夢徘徊
多少清湘瑤瑟怨幾曾有鶴飛來鐙萼半
成灰短書千里回報巖扃晚桂都開前度憑
闌人換盡問何事戀天涯

齊天樂芙蓉

輕紅不上瓊嬈靨重重步幢新亞麝發潮妝
霞融膩玉臨鏡冰絲成把春魂漸化委香篋
仙衣冷雲齊卸喚起伶俜載秋單舸爲誰迓
袞裳人去未久畫闌憑不熱前度游冶豔
錦霜初斜陽木末愁入黃昏無罅仙城夢罷
賸鉛淚偷淹憶君清夜月墮江空翠綃何處
寫

金縷山久不得半塘翁書賦寄

下殿扁舟具傍滄江經年堅臥西風孤旅不

近彈碁中心局依舊埋憂無路枉贏得蘭成
詞賦裏墨淋浪神州淚算韓陵片石差堪語
歌不得獨紆苦竹西未是無佳處只吞聲
杜鵑再拜低頭臣甫海氣荒荒蛟龍惡我亦
枯槎倦渡尙夢繞鐙牀風雨散髮相從明朝
事問江干鷗鷺平安否須爲報尺魚素

前調書感寄王病山秦晦鳴

斗柄危樓渴望中原盤雕沒處青山一髮連
海西風掀塵黯卷入關榆悴葉尙遮定浮雲
明滅烽火十三屏前路照巫閭知是誰家月

遼鶴語正嗚咽
微聞殿角春雷發
總難醒
十洲濃夢桑田坐閱
銜石冤禽寒不起
滿眼
秋鯨鱗甲莫道是昆池
初劫負壑藏丹尋常
事怕蒼黃柱觸其工
折天外倚劒花裂

夜游宮
舟夕孤坐榜人折臨水小梅枝

爲供

吹水疏香訊早紺
壺煥迴鐙一笑零亂蒼鬟
枕函小似羅浮月
昏黃夢中到天黯
吹笙
道細禽傍空尊啼繞起
換傷春舊年橐斷無
人理紅簪歲華老

喜遷鶯 羅江舟夜歲除和夢窗

風鐙搖暮餞闌歲暫閣瘴江雙艣分客餞枝
看人花勝依舊故年游旅香汎舵樓松火紅
上巖陰橘戶燕來早問殘寒消盡芳音回否
閒處孤夢寄煙驛幾籤斗挂蒼山午流怨
迴潮年涯催送不送蠻帆一羽自醺屠蘇無
味慵倚蕙鑪劃句漫移枕看檠花燭卷紅雲
成縷

六醜 甲辰元夕舟泊端州郭外水鐙喧

闌嗑然其爲春矣

又東風漸起恨海角酬春無力市樓半塵籠
鏗搖素壁芳意疏隔暗裏年光去鬧蛾懼會
渺瘴江孤驛誰家噴起中流笛鴛鴦蓬萊六
鼇咫尺沈沈萬波吹息惹蹋歌一笑飛棹無
迹篷窗人寂擁膏鑪爛直舊侶瓊簫冷誰
話得銅駝夢繞香陌恣魚龍曼衍春城如墨
金錢換短宵懼刻膏騰裏不省當頭自有素
娥眞色膠鸞事分付愁客到夜深點滴方諸
淚銀荷對拭

浣溪沙

夢熟煙江十四程
鬢絲堤柳兩盈盈
年芳隨水漫無情
落酒東風梅便旋
衝帆細雨燕將迎
春愁把筆自然生

齊天樂木縣

燭龍飛上珊瑚岸
殷空萬鐙成蕾
幹掩斑鱗香銜絳噉
凝作連溪朝采煙
滋露漑就巾著
溫茸歲寒曾耐老
盡春叢可憐朱鳳
故巢在越王臺畔
麗質照人風雨夜
天半無晦
蘭蝶移家蓉砂變
景誰睇孤根嶺外
交柯未改好留駐
年年祝融幢蓋夢
結扶桑日華擎翠

海

減字木蘭花
舟沂湟江風雨淒戾交舊

存沒之感紛有所觸輒綴

短韻適踵八哀非事銓擇

也

淮流如黛六月吳篷懼共載解袂恩恩兵火
連天照海東一官垂死訣我聯縣書七紙

風義平生慚愧山陽范巨卿

平湖何笛
帆錫驂

蛻君句律夾蒼過從窮日夕霜月槎枒走上

樊樓賣酒家

竹林游在記寫八分招阿買

曙後星孤留得傳家一硯無

先生承忠

蒼髯樹頽落落潛郎三十載餘事荆關冷笑

濃雲邈邈山

荒亭接葉點筆便爲求米帖

不辨歸帆竟了京塵粥飯緣

憲長與張叔

支離病骨一殉浮名成解脫破寺迴飈夜夜

歸魂季母招

落花及榻命燭論心恆見跋

何處沾巾斗酒青山北郭門

安吉施旭

盟鷗知否身是江湖垂釣手不夢黃梁卷地

秋濤殷臥牀

楚宮疑事天上人閒空雪涕

誰詔巫陽被髮中宵下大荒

富順劉裴

蓬萊一謫誰挽使還文字職得喪虛漚瞥眼

驚藏巨壑舟相過魑魅糾纏幽憂非爾意

神理縣縣記坐高齋十六觀

道州何硯孫維棟

交游海裏眼看聯翩鴻鴈起病骨西風一夜

霜摧鏡面蓉百身何贖累我阿連三日哭

池草春枯淚盡西堂夢也無

固始秦野篁鴻聲

劍頭微映海水刺天漂熱血慘月中庭誰解

張絳受廣陵富春一角零亂巖花朱鳥啄

白首何歸山色無人問是非

桐廬袁重黎

謁金門

窗網黑四面春寒無極繞樹驚鳥啼磔磔淚
花紅緯溼換了羅衣無力愁夢玉關消息
密誓鸞篋君不憶強尋明鏡隙
花漏急迴步地衣紅窄舞裏郎當隨促拍主
人翻是客今日雲屏芳席明日殘鵲荒驛
塌地陰雲濃似墨夢中何處立

清波引勿幕亭酌泉亭在連州巾山麓
小瀾不整是當日流杯佳境翠茵侵冷野風
盪愁醒玉瀨散空響定有餐霞人聽自憐纔
淨聞根又飄落午時磬孤游慣領倚危岫

雲意未定地鑪供茗對煙緒搖暝清冷在山
性肯負轆轤修綆坐恐一片匳冰鑑人塵影
摸魚子清明雨夜泊英德寄弟閨生

一更更滴篷淒雨天涯人自消受倦游諳慣
江湖味禁得病懷僝僽吟未就伴孤影幢幢
颭幕鐙花瘦離魂暗逗又禁火年光看雲心
事迸入夜鐘後還山約過了春鵲啼候輕
帆依舊孤負十年社燕秋鴻迹多少淚華沾
裏君信否便燒燭聯牀不是尋常有鬢花十
畝要藥裹商量書匳料理垂老鎮厮守

天香珠蘭

分畹青瓷通簾翠押酥懷晚豔多麗罇葉無
塵宮黃初麝小馥度人疑醉素纖細摘清露
溼珠孃秋佩釵串新裝鈿粟衣絡舊融檀泚
一甌點將春焙話懨懨瘴鄉身世誰省舊
香消黯漸凝鮫淚孤醒闌宵似水怕零亂流
蘇夢難理自翦南沈芳心倦矣

木蘭花慢西齋坐雨感如書至

露涼花墮夕淺秋在水西闌看照鬢清波疏
人翠筵慣得幽單更殘睡遲病枕有哀蛩和

笛咽尊前獨客慵。吹越醞。故人新費吳牋。
居然畫扇好。青山邀夢發蒼顏。柰秋鴻蹤迹。
江籬易擷。津柳難攀。愁端背鐙自理過中年。
禁得雨聲閒。莫道滄江歲晚驚塵不到鷗邊。
前調程使君書報半塘翁亡。翁將之若
耶上冢。且爲西湖援鶴之間。遽逝
吳中賦此寄哀。時方爲翁校刊半
塘定稿。故章末及之。

馬塍花事了。但持淚問西泠。信有美湖山無
聊餅鉢。倦眼難青。飄零水樓賦筆。要扁舟一

繫暮年情纔近要離豕側故人眞箇騎鯨
瑤京何路問予亭九辨總無靈算浮生消與
功名抗疏心事傳經冥冥夜臺碎語咽飄風
鄰笛不成聲淚眼塵牋未理禮堂誰分平生
昔年相翁生臆詞有云傍要離穿豕爾
何心長安市翁笑日息壤在茲豈識耶

夜飛鵲 香港秋眺懷公度

滄波放愁地游棹輕迴風葉亂點行杯驚秋
客枕酒醒後登臨塵眼重開蠻煙蕩無霽颭
天香花木海氣樓臺冰夷漫舞喚癡龍直視
蓬萊 多少紅桑如拱籌筆問何年眞割珠

厓不信秋江睡穩掣鯨身手終古徘徊大旗
落日照千山劫墨成灰又西風鶴唳驚笳夜
引百折濤來

喜遷鶯 瓊臺長至和夢窗冬分人別韻

滄洲程別正凍烈酒懷稀逢南雪譙角宵長
客衫春瘦金線繡牀都絕倦擁蠹籤葉亂自
聽黎謳簫節恨兩鬢是清霜新點繁枝羞折
南越梅訊渺帳底暗香愁與青鐙結多事
東風天涯容易輕送瑄葭聲噎甚時斗槎回
汎心翦柔波春闊尋夢去怕離煙遮盡沙邊

黃月

六么令憶西園池上紅梅

石闌棲影零亂幾枝玉年年冷漪荒翠心事
孀娥獨一笑飛瓊戲挽消得珠成斛料量金
屋吹簫聲裏喚起新妝倚修竹誰信空尊
易泣顛倒傷春局多少飄麝樓臺落靨東風
撲莫爲題瓊客去流怨松陵曲翠禽還宿卻
收鐙火自下羅幃夢蛾綠

祝英臺近欽州天涯亭梅

掩峰屏喧石瀨沙外晚陽斂出意疏香還鬪

歲華豔暄禽啼破清愁東風不到早無數繁
枝吹淡已淒感和酒飄上征衣莓鬢淚干
點老去難攀黃昏瘴雲黯故山不是無春荒
波哀角卻來凭天涯闌檻

南鄉子

流轉信天涯撲鬢清霜鏡裏催驛館濃花無
意勸深杯消得閒愁淡蕩回倦眼若爲開
古鬲雙煙小炷培自卷單衣推枕起徘徊似
有春鴻輒語來

燭影搖紅

疊鼓沈陰粉梅飄盡餘寒
臘社前雙燕不歸來
梁畫凝塵掩容裔
絲楊翠颭怯東風
新愁澌澌纔收
鐙火未結鞦韆
芳情淒豔無故
黃鶯背人啼溼
沈香檻一春懽
事水東西除
酒消愁
靨別夢銀屏
萬感鎖移心
箏絃未斂
笑聲歸路
灑面狂花
黃昏塵黯

虞美人

芳時獨客憐書札
著酒還慵食
纔因蕙草憶
羅裙無數東風驚
夢不成雲冥冥
一浦沈香雨
碎鏡流花去
未能無恨對春潮
賺得迴

帆心眼到今朝

琵琶仙送朱敬齋還江陰

殘酒辭春渺千里岸草征袍同色離緒輕結
柔楊絲絲怨行客茸帽底喧風暗咽盪愁滿
亂雲江國越縵離聲吳艤俊約須記今夕
是蠻海飄泊歸來甚臨別天涯又寒食顛倒
玉觴無味苦低垂頭白人意比飛花更嬾怕
隔年冷了詞筆好趁蘂甲光陰醉君重碧

徵招殘暑方熾騎秋一雨園林戶箔灑

然碧池風來竹聲戛戛落波際數

簞水西榭與閨生弟夜話依白石

自製腔寫之並拈其詩中句發端

人生難得秋前雨天涯對牀今夜倦客總無
眠儘挑殘紅燭卅年哀樂話未消得酒杯陶
寫斷續檐聲轆轤鄉緒併時縈惹圖畫白
費波扁舟月何時喚人東下問訊五湖盟有
羣鷗來迓葛巾慵未卸似客燕尙迷殘社水
窗曉明鏡徘徊覷素絲盈把

月華清乙巳中秋和西菰

玉簫消涼林霏散夕上簾人在香徑憔悴圓

姿櫛櫛細雲遮定露槃空天袂知寒樹香老
畫闌懸暝誰省問山河小劫幾多殘影桂
殿秋醒未醒待訴與方諸淚珠哀迸萬感嬌
娥禁得管絃淒哽漸拋殘舊舞霓裳好催放
破空金鏡傾聽是誰家怨笛待他端正

秋霽

園夜臥雨蓴鱸之思益深和梅溪

別枕潺潺障暗雨簾衣暈冷鐙色悴葉涼喧
晚蛩愁咽病懷慣禁秋力倦吟暫息夢痕宛
轉蓴絲碧問故國誰睽夜闌孤坐瘴鄉客
驚臥歲晚亂落江離釣竿沈吟詩卷疏寂背

西風殘鵲苦說青銅欺鬢盛年白歸事布帆
從辦得怕酒醒後驚見畫裏湖山采珠荒水
擣塵新驛

西平樂別西園作

灌木愁鴉露莎拋錦離思暗落迴廊彈墨單
衣勘書深燭清懽草草三霜看抱葉香枯翳
鏡連雨萍沈敗艇西風漸老冥鴻去翼成行
誰許驚塵海角紅荔顚絆穩北歸鯢蕙簾
蘿幌仙書映掌花藥澄湖虹月英光消不得
能言怪石鑿空靈樣說甚虞翻宅徙陸賈書

新一夜江湖夢已涼
梁燕再來巢塵簌簌
鑪穗愔愔悵望天涯
罷酒闌干憑誰指與
斜陽
清平樂夜發香港

舳艫漸滅沙動荒荒
月極目天低無去鵲
何處中原一髮江湖
息影初程舵樓一笛
風生不信狂濤東駛
蛟龍偶語分明

彊邨語業卷一